

Annwyl Aelodau CYSAG

Yn dilyn ein Gweithdai ym mis Medi, hoffem ddiolch i bob un ohonoch am yr adborth defnyddiol iawn ar y cynigion ar gyfer Addysg Grefyddol ym Maes Dysgu a Phrofiad (MDPh) y Dyniaethau.

Mae gwaith bellach yn mynd rhagddo i lunio'r Fframwaith Ategol newydd ar gyfer Addysg Grefyddol gyda'r bwriad o'i gyhoeddi ym mis Ionawr 2020.

Gan adeiladu ar lwyddiant y Fframwaith Enghreifftiol Cenedlaethol presennol ar gyfer Addysg Grefyddol, bydd y fframwaith newydd yn rhoi rhagor o fanylion am y ffordd y gellid cyflawni'r datganiadau o'r Hyn sy'n Bwysig a geir yn MDPh y Dyniaethau mewn perthynas ag Addysg Grefyddol. Caiff y canllawiau newydd hyn eu datblygu'n genedlaethol gyda'r bwriad o'u mabwysiadu neu eu datblygu ymhellach er mwyn ffurfio maes llafur ar gyfer Addysg Grefyddol y cytunwyd arno'n lleol.

Diben y canllawiau fframwaith newydd hyn (yn yr un modd â'r Fframwaith Enghreifftiol Cenedlaethol) fydd cefnogi awdurdodau lleol a chynadleddau meysydd llafur cytûn wrth iddynt adolygu eu meysydd llafur y cytunwyd arnynt yn lleol. Yna, caiff y fframwaith newydd hwn ei gyflwyno i gael ei ystyried gan y cynadleddau meysydd llafur cytûn er mwyn iddynt wneud eu hargymhellion i'w corff dyfarnu.

Mae Llywodraeth Cymru wedi sicrhau gwasanaeth Libby Jones a Paula Webber i helpu gyda'r gwaith o ddatblygu'r fframwaith ategol newydd hwn. Sefydlwyd y gweithgor o gyfranogwyr i gefnogi'r gwaith hwn o blith y canlynol:

- Athrawon Addysg Grefyddol sy'n ymarfer
- Ysgolion Arloesi
- Cyrff Addysg Grefyddol yng Nghymru a chyrff perthnasol eraill (o Gymru a Lloegr)
- Arbenigwyr, academyddion a gweithwyr proffesiynol Addysg Grefyddol cysylltiedig, y mae pob un ohonynt yn cynnig amrywiaeth o arbenigedd i'r gwaith o gomisiynu'r fframwaith ategol newydd newydd. Mae hyn hefyd yn cynnwys ymarferwyr o ysgolion cyfrwng Cymraeg a Saesneg, ac o bob cwr o bedwar rhanbarth y Consortia.

Caiff y gwaith drafft ar gyfer grŵp y Dyniaethau ei chyhoeddi ar 30 Ebrill er mwyn cyd-lunio'n barhaus a rhoi sylwadau a gaiff eu rhannu â'r grŵp cyn i'r fersiwn derfynol gael ei gyhoeddi ym mis Ionawr 2020.

Mae'r Cwricwlwm i Gymru 2022 wedi'i ddylunio gan athrawon i athrawon ac wedi'i lywio gan arbenigwyr o Gymru ac o bob cwr o'r byd. Y cyfnod o 30 Ebrill yw'r cyfle i bob ysgol a phob athro brofi, mireinio a chyfrannu at gam nesaf datblygiad y cwricwlwm.

Bydd cyfnod helaeth o ymgysylltu â'r proffesiwn a'r gymdeithas ddinesig ehangach rhwng 30 Ebrill ac 19 Gorffennaf er mwyn mireinio'r drafft a'i baratoi i'w gyflwyno'n genedlaethol o fis Medi 2022.

I gael rhagor o wybodaeth, ewch i:

[Addysg a Sgiliau Llywodraeth Cymru](#)

[Blog Cwricwlwm i Gymru](#)

a/neu dilynwch

[Wgmin Education](#)

[LIC Addysg](#)

[Facebook Addysg Cymru](#)

[Sianel YouTube Addysg Cymru](#)

Cofion cynnes

Pauline

Pauline Smith

[Cangen y Celfyddydau, y Dyniaethau a Llesiant](#) / Arts, Humanities and Well-being Branch
[Y Gyfarwyddiaeth Addysg](#) / The Education Directorate
[Llywodraeth Cymru](#) / Welsh Government